

Sango - Yingo Bira Mbeti ti Nzapa - SW Intro Scriptures

**Luc 17:5 Abazenguele a tene na Seigneur, Mo sala si mabe ti ani a ga kota.
aRomain 10:17 Tonga so mabe a ga na legue ti mango tene, na mango tene a
ga na legue ti fango tene ti Christ.**

**Luc 11:1 Mbeni la, Jésus A yeke sambela na mbeni ndo. Tonga na Lodjia ti
sambela, mbeni disciple ti Lo a tene na Lo, Seigneur, Mo fa na ani legue ti
sambela legueoko tonga na Jean a fa na adisciple ti lo.**

**1 Thimothée 2:1-4 Kodjoni, mbi oua ajo ni ti hounda Nzapa mingui, ti
sambela, tivoro, na ti mou merci na Nzapa teti ajo koue, 2 teti agbia, na
teti ajo koue so a yeke na kota ndo; si ye a lingbi gui ani pepe na ani douti
na siriri na legue koue ti bata tene ti Nzapa na ti douti na donji. 3 Teti ye
so a yeke ndjoni, na a lingbi na le ti Nzapa Sauveur ti ani; 4 Lo so A ye ajo
koue a ouara salut, na a hinga tene-biani mbilimbili.**

**Zacharie 3:1,2 Lo fa na mbi kota sacrificeur Josué, so a yeke louti na
Gbeleange ti L'Eternel, na Satan a louti na koti ti lo ti clamé lo. 2 L'Eternel
A tene na Satan, L'Eternel A djingo na mo, O Satan! biani, L'Eternel so A
kamata Jérusalem aoue A djingo na mo! Jo so a yeke ndoulou-oua so a
kpala na ya oua pepe?**

**Ephèse - aEphésien 6:12 Teti ani tiri na mi-tele na mene pepe, mais ani tiri na
akodjo-guele-ti-commandé, na ayanga-ti-commandé, na ala so a
commandé bingo ti sesse so, na ayingo sioni ti yayou.**

**Ephèse - aEphésien 6:10,11 Mbeni tene a yeke, i kpingba na ya Seigneur, na
ya ngangou ti ngangou ti Lo. 11 I you ye ti bira ti Nzapa koue, si i lingbi
louti ti ke mayele ti djabalo.**

**Ephèse - aEphésien 6:13-17 Teti tene so, i kamata ye ti bira ti Nzapa koue, si
i lingbi louti ti gbo ngangou na la ti sioni, na tonga na i sala ye koue aoue, i
louti. 14 Tonga so i louti, i kanga tene-biani tonga na ceinture na mbounda
ti i, i you mbilimbili tonga na bongo ti ouin na libe ti i, 15 i you Tene-ndjoni
ti siriri tonga na poro na guele ti i; 16 na i ho ye so koue, i kamata vala ti
mabe, na legue ti vala so fade i lingbi mingo akondoro ti oua koue ti ouato-
sioni. 17 Na i kamata casque ti salut, na épée ti Yingo, so a yeke Tene ti
Nzapa.**

**aHébreu 4:12 Tene ti Nzapa a yeke na fini, na a sala ye. A za aho épée ti
yanga osse, na a li juska a kangbi âme na yingo, na a kangbi koutou na
mafouta ti bio. Tene ti Nzapa a gui nda ti bibe koue na ti aye koue so be a
ye ti sala.**

**Luc 4:8 Jésus A kiri tene, A tene na lo, Mbeti ti Nzapa a tene, A lingbi mo
sambela Seigneur, Nzapa ti mo, na mo sala gui na Lo.**

Ephèse - aEphésien 6:18 Na sambela koue na houndango mingui, i sambela

na ngoy koue na ya Yingo, i bata legue ni na be so a djia la oko pepe, i hounda mingui teti ajo ti be-voulou koue,

1 Samuel 17:45-47 Tonga so David a tene na Philistin ni, Mo yeke ga na mbi na épée na kota likongo na kete likongo; mais mbi yeke goue na mo na iri ti L'Eternel Ti Angangou Koue, Nzapa ti atourougou ti Israël, so mo bi kamela na lè ti Lo. 46 La so, fade L'Eternel A djia mo na ti ti mbi, na fade mbi fa' mo, na mbi lounguela li ti mo. Na la so, fade mbi mou koua' ti atourougou ti Aphlistin na andeke ti ndouzou na agnama ti ngouna, si ajo koue ti sesse so a lingbi hinga Nzapa A yeke na popo ti ajo ti Israël. 47 Tonga so bongbi ti ajo so koue a lingbi hinga L'Eternel A dji jo na legue ti épée na likongo pepe, teti bira ni a yeke ti L'Eternel, na fade Lo djia i na ti ti ani.

Luc 10:17-20 Na ala balimbassambala a kiri na tâ nguia, ala tene, Seigneur, même ayingo sioni a ma yanga ti ani tonga na ani commandé ala na iri ti Mo. 18 Lo tene na ala, Mbi ba Satan a loundou na yayou a ti tonga na gnekpa. 19 Ba, Mbi mou na i ngangou ti doro angbo na akpalakongo na gbe guele ti i, na ti ho ngangou koue ti ouato-sioni. Fade ye oko a sala ngangou na i pepe. 20 Tonga so i douti na nguia pepe teti ayingo sioni a ma yanga ti i, mais i douti na nguia teti a sala iri ti i na mbeti na yayou.

2 Corinte - 2 aCorinthien 10:3-5 Teti kamême ani tambela na ya mi-tele, ani sala bira na legue ti mi-tele pepe 4 (teti ye ti bira so ani sala bira na ni a yeke ti mi-tele pepe, mais ye ti bira so a yeke na ngangou ti Nzapa ti fa' gbada ti bira), 5 ani kinda ye ti bibe, na kota ye koue so a ya ala mveni ti ke tene ti hingango Nzapa, na ani sala si bibe koue ti jo a ga mgba ti ma Christ;

Matthieu 16:19 Fade Mbi mou na mo aclé ti royaume ti yayou. Ye so mo kanga na sesse so, fade A kanga ye so na yayou, na ye so mo dji na sesse so, fade A dji ye so na yayou.

2 Thimothée 1:7 Teti Nzapa A mou na ani pepe yingo ti mbito, mais Lo mou na ani yingo ti ngangou, ti ndoye, na ti ndara.

Matthieu 12:28,29 Mais tonga na Mbi touma ayingo sioni na guigui na legue ti ngangou ti Yingo ti Nzapa, ka' royaume ti Nzapa a si na i aoue. 29 Tonga na jo a kanga jo ti ngangou kodjoni pepe, na legue gne lo lingbi li na da ti jo ti ngangou ni ti gbo ye ti da ti lo.

Ephèse - aEphésien 1:13 Na ya Lo i nga, tonga na i ma tene so aoue, tene so a yeke tene-biani, Tene-ndjoni ti salut ti i; na ya Lo nga, tonga na i ma na be aoue, A kanga i na sceau ti Yingo Voulou ti jendo,

Koussala ti aBazenguélé 19:6 Tonga na Paul a djia maboko ti lo na ndo ala, Yingo Voulou A ga na ndo ala, ala sala tene na yanga nde nde, na ala fa tene na iri ti Nzapa.

Marc 16:15-18 Lo tene na ala, I goue na sesse koue, na i fa Tene-ndjoni na ala koue so Nzapa A créé ala. 16 Jo so a ma na be na a ouara baptême, fade

**Io ouara salut, mais jo so a ma na be pepe, fade mbanga a ti na li ti lo. 17
Na fade afâ so a goue na peko ti ala so a ma na be: fade ala touma ayingo
sioni na guigui na iri ti Mbi; fade ala sala tene na afini yanga so ala hinga
kodjoni pepe; 18 tonga na ala kamata angbo na ti ti ala, na ala gno yolo ti
sioni so a lingbi fa' jo, fade aye so a sala sioni na ala pepe; fade ala djia
maboko ti ala na ndo ajo ti kobela, na fade kobela ti ala a oue.**

**1 Jean 1:9 Lo yeke Be-Tâ-Jo, na Jo Ti Mbilimbili. Tonga na ani tene siokpari ti
ani na guigui, fade Lo pardonné siokpari ti ani, na Lo lounguela ye ti kirikiri
koue ti ani.**

**Exodus 20:5 a lingbi mo zoukou tele ti mo na gbele ye tonga so pepe, na mo
sambela ala pepe; teti Mbi, L'Eternel Nzapa ti mo, Mbi yeke Nzapa so A
sala manda, Mbi djia sioye ti ababa na ndo amelengue ti ala juska na
aouagame ota ni na oussio ni ti ajo so a ke Mbi,**

**Psaume 109:17 Biani, lo ndoye ye ti zonga, na zonga a ga na ndo lo; Na lo
ouara nguia na ndjoye pepe, na ndjoye a yeke yongorona lo.**

**aJuge 16:16 Na tonga na Dalila a gui lo la na la na tene so, na lo oua lo
mingui, âme ti Samson a nze juska lo ye ti koui.**

**Ephèse - aEphésien 4:26 Tonga na ngonjo a gbo i, i bata si i sala siokpari
pepe; i djia la a koui na i na ngonjo na be ti i pepe,**

**aRomain 14:12 Tonga so fade ani oko oko koue a kiri tene ti ani mveni na
Nzapa.**

**1 Jean 2:23 Jo so a ke Melengue, lo yeke na Baba pepe. Jo so a kamata
Melengue, lo yeke na Baba nga.**

**Jean 14:6 Jésus A tene na lo, Mbi yeke Legue, na Tene-biani, na Fini. Jo a ga
na Baba gui na legue ti Mbi.**

**Matthieu 11:28-30 I ga na Mbi, i koue so i sala koussala ti ngangou na i yeke
na koungba so a ne, na fade Mbi mou na i legue ti ouo tele. 29 I yo joug ti
Mbi na i manda ye na ti ti Mbi, teti Mbi yeke na tâ be ti melengue na be ti
Mbi a yeke kota pepe, na fade i ouara legue ti ouo âme ti i. 30 Teti joug ti
Mbi a yeke ndjoni, na koungba ti Mbi a ne pepe.**

**2 Corinte - 2 aCorinthien 6:2 Teti Lo tene, Na la ni so a lingbi, Mbi ma mo
aoue, Na la ti salut, Mbi sala na mo. Ba, la so a yeke la ni so a lingbi; ba, la
so a yeke la ti salut.**

aRomain 10:13 teti: Fade A sau ajo oko koue so a di iri ti Seigneur.